

BOKN BYGDABLAD

NR. 10 - DESEMBER 1994 - ÅRG. 9

UTGJEVAR.: BOKN KOMMUNE

HELSING FRÅ ORDFØRAREN

Kjære lesarar av Bokn Bygdablad.

Det er etterkvart vorte ganske mange som held bladet utanfor kommunegrensene. Godt over hundre utflytta boknarar held kontakten med heimkommunen også på denne måten. Faktisk og ein del som bur i utlandet. Det synes me er veldig fint. Enkelte av dykk har gjennom bladet gi tt uttrykk for kor de lever og bur. Det ville vore både kontaktskapande og interessant om fleire kunne senda lesarbrev om korleis de har det i framandland.

Dette året har vore sterkt prega av EU-saka, som nådde klimaks den 28.11. Me kan i ettertid konstatera at valdeltakinga var rekordstor både her heime og elles i det ganske land. Dette viser at folk flest engasjerte seg i saka og ville gi uttrykk for sitt syn. Det vil neppe overraska nokon at eg er tilfreds med folket sin dom i dette høve.

Hausten er jo nå som før tida for planleggjing av neste års budsjett og handlingsplanar. Ramma staten har lagt for den økonomiske aktiviteten i kommunane er veldig stram, slik at driftsoverskotet skrumpar inn år for år. Driftsoverskot er dei pengane som kan nyttast til nye investeringar

etter tiltak, når den ordinære drifta er dekka.

Utan større framtidige inntekter i åra framover vil det verta vanskeleg å finna plass til større nye investeringar før me har betalt ned på lånegjelda.

Den viktigaste saka me no står framfor er Bokn si framtid som eigen kommune.

Med det aller fyrste vil kommunalministeren leggja fram ei Stortingsmelding om Christiansen-utvalet si innstilling.

Kommunalminister Berge har ved ymse høve gitt eksempel på korleis han meiner enkelte kommunegrenser bør justerast. Mellom anna har han gjort dette for Bokn sin del.

Stortinget si behandling av denne meldinga vil verta ei viktig avgjerd for mange kommunar.

I tida som kjem trur eg det vil vera svært viktig at alle som har mulighet for å påvirka stortingsrepresentantar og andre politiske aktørar i rett lei, vil gjera det. Då meinar eg sjølvsagt at Bokn kan fortsetja som eigen kommune, slik at me også i framtida kan ynskja kvarandre ei god

Boknajul.

Helsing Leif.

SUNNALANDSSTRAUMEN

KURT HVEDING ER TIDLEGARE STATSLOS OG ER INTERESSERT I HISTORIE. I DIVERSE GAMLE ARKIV HAR HAN FUNNE INTERESSANTE HISTORISKE OPPPLYSNINGAR OM HAVNEUTBYGGING I BOKN. HER ER FØRSTE DEL:

Kanalanlegget i Sunnalandstraumen ble bygget av Statens havnevesen i 1875. Hele anlegget inklusive vippebro kostet da kr. 22.000,-, og var beregnet på datidens fiskebåter som ble drevet fram av årer og seil.

Så gikk tiden, fiskebåtene ble større og fikk motor. Nå ble kanalen i Sunnalandstraumen for liten for de fleste, de ble nødt til å slite seg fram sør og vest om Loden. Det endte nok ofte med landligge og tapt tid og fangst. Det vokste fram et krav både fra folk i Bokn og fra fiskere i de omkring liggende distrikter, om utdypning av Sunnalandstraumen og andre havner i Bokn.

Den 20. april 1911 sendte Bokn formannskap en anskning til Havnedirektøren i Kristiania hvor man ber om utdypning av flere havner i Bokn herred. De viser til rike sildefiskerier omkring Bokn de siste 2 år, til store ansamlinger av fiskebåter og til mangelen på trygge havner i Bokn. Ordet «havnenød» ble brukt. Det ble referert til «et sterk Folkekrav om forbedringer i de under Herredet naaværende Havneanlæg og Seilleder».

På Austre Bokn gjaldt det Vågevåg, munningen måtte utdypes slik at

vågen kunne bli benyttet både i fisketiden og ellers i året.

På Vestre Bokn var det Kongshavn, også der mudring i munningen, «der ville kunne bli en ypperlig havn som

kunne rumme en bra del fiskefartøyer mot nå bare 6 - 7 båter». Det sises videre i brevet at «folk som hadde rede på dette, mente det ville bli svært billige utlæg».

Formannskapet mente videre at Lauplandsvåg nå måttestå for tur til bevigning. Ut fra dette må man kunne anta at det tidligere har vært søkt om midler til utbedring av denne havnen. Også i Lauplandsvågen var det grunt i innløpet, det lå et lite skjær der, som forårsaket grunnbrott tvers over løpet i sterkt sydost vind. Det var også et ønske å få lokaldampen til å anløpe Lauplandsvågen.

Så var det vestre side av Bokn. Det vises i brevet til Statens tidligere anlegg i Sunnalandstraumen. Man mener at «Arbeidet er saa alt for lidet og ufullstændigt, og slet ikke istemmende med Tidens krav». Det antages at en Opmudring eller Oprenskning af en Færdselsvei fra Frønnestadvaag igjennem Sønnelandstrømmen for Damp og

Seilfartøyer slet ikke er uoverkommeligt».

Formannskapet mente det var høyst påkrevet for den daglige ferdsel og særlig i fisketiden, å få åpnet dette farvannet for større fartøyer. De viste til fiskeflåtens problemer i storm og uvær, her ville de kunne ligge trygt.

Utenom de nevnte forbedringer av havnene, ønsket man oppstakning av seilledene, en stake her og der ville hjelpe. I tillegg til dette ba man om å få anbrakt en del fortøyningsringer. Plasseringen av disse kunne påvises av kjente folk etter en fortegnelse som fulgte med søknaden. Brevet er håndskrevet og ført i pennen av ordføreren, Gabriel Dybing.

Distriktsingeniøren i Statens havnevesens 2. distrikt, Michael Leegaard, ble av havnedirektøren allerede den 8. mai bedt om å undersøke Sunnalandsstraumen. I sannhet en rask reaksjon derfra. Det var ikke foretatt noen arbeider i kanalen siden byggingen i 1875, bortsett fra reparasjon av et brokar 1885. Dybden i kanalen var -1,0 m. og minste bunnbredde 4,4 m. Dette kunne naturligvis ikke tilfredsstille dagens krav og trafikken under vårsildfisket. Leegaard foreslo at kanalen måtte være minst -3,0 m. dyp og ha en bunnbredde på 8 m. Videre burde man ha en møteplass med bunnbredde på 15 m. Han foreslo videre landingskaier på begge sider av broen og en bredde ved broen på 20 -28 m. Det ble også foreslått en ny


og noe høyere vippebro med 4 m. i klaffeåpningen.

Nå begynte tautrkingen om prioriteringen av disse havnene. Hvilken skulle tas først? Hvilken havn var viktigst? Det skulle jo bevilges penger over havnebudsjettet for Rogaland fylke, Stavanger amt, som det het dengang.

Fiskerimyndighetene kom inn i bildet, Rogaland fylkesfiskarlag og lokale fiskeriforeninger likeså. Det er ingen tvil om at bølgene omkring prioriteringene har gått høyt. Særlig synes det som enkelte innen Bokn fikeriforening har vært sterkt engasjert. Vekslingen i prioriteringene skal vi komme nærmere inn på i neste nr. av bladet.



Strømmen, Bokn



MINNEORD

Grethe Løvland er død., 95 år gammal.
Ho var den eldste i Bokn.

Grethe Løvland var dotter til Martha og Erik Øvrebø fra Austre Bokn. Det var 6 barn i ekteskapet til Martha og Erik Øvrebø.

Grethe vaks opp på Øvrabø, og vart gift med Lars Løvland som kom frå Tysvær. Dei busette seg i Gongstø.

Grethe stelte mora i hennar eldre år.
Også mora nådde ein høg alder. Elles

arbeidde ho på hermetikkfabrikken i Føresvik. Mannen dreiv mest med fiske.

Grethe har vore enke i mange år.
Ho var var med i sjømannsforeningen på Austre Bokn .

Dei som kom i kontakt med Grethe oppdaga at ho hadde eit fint vesen.
Ho hadde ein lun humor, og fekk god kontakt med folk.

Ein bror lever etter henne.

STORT FRAMMØTE VED EU-RØYSTINGA I BOKN

Heile 93,9% frammøte var det ved EU-røystinga i Bokn den 28.11. Det var rekord i Nordfylket. I Bokn røysta 73,1% mot og 26,9% for. Det vil seia at i forhold til avrøystinga i 1972, har ja-prosenten gått opp med 11,3%, og tilsvarande tilbakegang for nei-sida. Motstanden mot tilslutnad til EU-unionen er likevel stor i Bokn.

TAKK FOR BIDRAG

På slutten av året vil bygdabladnemnd og redaktør takka alle som har bidratt med innlegg til bladet. Me set svært stor pris på dette!

LITEN MOTSTÅND MOT SKJENKELØYVE

Det er lagd fram ei positiv innstilling frå administrasjonen når det gjeld Steinar Alvestad sin søknad om løyve til skjenking av øl og vin til slutta selskap i restaurerte selskapslokale i ombygd sjøhus i Alvestadkroken.

Bokn helse- og sosialstyre vedtok den 30. november mot ei røyst å tilrå

søknaden. Det er heller ikkje negativ uttale frå politiet. Bokn formannskap hadde saka oppe til behandling den 6. desember, og vedtok mot ei røyst å tilrå søknaden.

Bokn kommunestyre skal behandla saka den 20. desember.

INNTRYKK FRÅ BOSNIA

Etter to månader i Bosnia for naudhjelpsorganisasjonen CRN, kan eg dela nokre inntrykk.

Me har eit arbeid i byen Banovici ikkje langt frå Tuzla der den norske FN-bataljonen held til. Her har me svært god kontakt med dei lokale styresmaktene takk vere ein bosnisk flyktning i Oslo som er vår bekjent. Hans familie sit både i kommunen og i næringslivet. 4 rom på byens hotell står gratis til vår disposisjon.

Standarden er sjølv sagt ikkje den beste nå i krigen. Straum og vatn er ofte borte. Folk flest har straum berre om natta. Nokre som ikkje har jobb snur døgnet på hovudet for å vera oppe mens det er straum.

Ingen har løn for arbeidet sitt, ikkje eingong toppstillingane. Folk overlever på det dei får frå FN, frå private hageflekkar, kanskje ein slektning som er bonde, frynsegoder på jobben, kanskje hjelp frå ein slektning som er flyktning ein stad i Europa. Og så er det oss, men me konsentrerer oss om å gi hjelp til dei lokale flyktningane. Frå FN får dei berre litt bønner, mjøl, olje, sukker og salt. Ein kan ikkje leve på bønner dag ut og dag inn. Så dei er svært takksame for det dei kan få frå Noreg. Det dreier seg om supper frp Knorr og Toro, potetstappe, syltetøy, barnegrøt, torskerogn, leverpostei, makrell i tomat etc. i tillegg til klær.

Flyktningane blir betjente frå felleskjøkken. Der freistar dei å

utnytta maten så godt som mogleg. Torskerogn blandar dei for eksempel med mjøl og kvitlauk og lagar ein slags Schnitzel. Kaviar, som ungane er litt lei av etter kvart, blandar dei då inn i sausen. Klær og sko er det også absolutt behov for. Når folk blir jagde frå heimane sine, får dei berre med seg nokre posar.

Merkeleg nok er det kaldare om vinteren her enn på Bokn. Den milde vinden frå Middelhavet når ikkje inn bak fjella. Eks-Jugoslavia er nemleg eit fjelland som Noreg. Det er flott å køyre langs Neretva-elva på ruta me bruker inn frå kysten. Det minnar om norske fjordar. Folket her er og meir like oss skandinavar enn elles i Sør-Europa. Blondt hår og blå øye er ikkje uvanleg. Det er elles kjekt å vera norsk her. Det at eit såpass lite land som Noreg gjer såvidt mykje her, blir lagt merke til. «De i Skandinavia er våre beste vener» er ofte kommentaren. FN er tungt til stades med materiell - du møter dei kvite bilane lastebilane og tanksane over alt.

«Dette må då kosta milliardar» tenkjer eg - noko det sjølv sagt og gjer. Mykje av pengane kunne nok vore brukt betre, men det er klårt at FN har sin misjon her med å beskytta sivilbefolkingen. Etter krigen har me klare prosjekt for å hjelpe lokal industri i å koma i gong att, blant anna med fiskeoppdrett.

Joar Vatnaland

STRAME BUDSJETTRAMMER

Det kan bli ein relativ stor auke på alle avgifter i Bokn kommune i 1995. Det er fleire grunnar til dette. M.a. har kommunen fått ein reduksjon av rammetilskotet frå staten, noko som betyr at dei totale inntektene i budsjettet er redusert frå 24,6 mill. kr. til 24,4 mill. kr. neste år. Budsjettet er såleis prega av sparing, men drastiske nedskjeringar er unngått.

Ut frå det forslaget som formannskapet har lagt fram, er det ein auke på kr. 5,- i timesats som dei eldre skal betala for heimehjelp. Likevel vil kommunen få inn mindre inntekter i desse eigenandelene i 1995 p.g.a. at det er lagt såkalla «tak» på kor mykje den enkelte skal betala i eigenandel for eit kalenderår. Dei med minst inntekt (under kr. 76.160,- pr. år) skal såleis ikkje betala meir enn kr. 600,- til saman pr. år, uansett kor mykje hjelp dei får. Dette er ei øvre grense som staten har sett. For dei som tener mellom kr. 76.160,- og kr. 114.280,- pr år, er det øvre «taket» for eigenbetaling kr. 6.000,- pr. år for heimehjelp. Dei som tener over kr. 114.280,- pr. år har ei øvre greense på kr. 9.000,- i eigenandel for heimehjelp pr. år. Når det gjeld andre avgifter, så vil satsen for barnehageplass gå opp 10%, renovasjonsavgifta går opp med 25% og vassavgifta går opp med 36%. Denne rekninga vil såleis stiga frå kr.732 til kr. 1.000. Kloakkavgifta

vil få ennå større stiging frå kr.598 til kr. 900.

Bakgrunnen til den sterke auken i tenestene frå teknisk sektor er at det i dag er for stor sprik mellom kommunen sine faktiske utgifter til desse tenestene, og den dekninga avgiftene gir i dag. Derved vil ikkje avgiftsauken gi inntekter til andre føremål.

Også husleiga i kommunale bustader vil gå opp med 15% i 1995, men dette vil ikkje gjelda før frå august. Frå same tidspunkt vil ein oppheva ordninga med gradert husleige for kommunalt tilsette, og desse må betala full pris frå første dag.

Det er også oppe eit forslag om redusert møtegodtgjersle til folkevalde frå 1995.

Investeringane neste år ligg på 1,5 mill. kroner. Det vesentlegaste av dette går til utvidinga av sjukestova som nå er i gong. Bokn kommune har nå ei relativt høg lånegjeld på kr. 13.3 mill. eller over kr. 16.000 pr innbyggjar.

Sakene vert endeleg avgjorde på kommunestyremøtet den 20. desember.

KOR BLEI DET AV KVEDNABEKKEN?

Som utflytta boknar er eg av og til på gamle tomter. Men når eg nå kjem til Bokn - då er den spennande Kvednabekken borte frå flatene oppover til Boknabergsvatnet.

UTVIKLING?

Jaha - slik er utviklinga: Maskinelt jordbruk overtar, bekken var tungvint å dra rundt - dermed blir den lagt i røyr - og borte vakk var han! Framskritt? Enklare jordbruk + nokre kvadratmeter fulldyrka jord. (Og litt meir å leggje brakk når ein får tilskot for ikkje å dyrke mat på slike små bruk det her er snakk om).

MAGNET FOR UNGANE

Men bekken er borte, og livet rundt han: Insekt- plante- og dyreliv - og spesielt auren og ålen - magneten for svært mange av oss i oppveksten - den er borte for alltid.

Kva med ungane som idag veks opp? Dei får vel heller sjå på videoprogram om livet rundt bekken, og fantasere om det som var. Kanskje ei miljøveke på skulen om nærmiljøet, som erstatning. Stakkars ungar!

FEIL POLITIKK

Nå har forresten staten funne ut at lukking av bekker og vassdrag er feil politikk: Fram til 1990 gav dei støtte - nå gjev ein heller støtte til jordbruksarrondering først når: «elver og bekker skal ikke kanaliseres eller lukkes».



Ein veit at lukka bekker har kraftig redusert sjølvrensing. I tillegg er det vanskeleg å kontrollera forurensinga i ein lukka bekk. Det kan heller ikkje vera tvil om at sjølve landskapsbildet har fått redusert verdi.

Dei gamle kvernhusa som stod der - ti nedfalls - var likevel uhyre spennande. Men eg veit det fins både originaler og kopier av desse.

PROSJEKT NÄRMILJØ

Tenk om miljøvernleiaren i kommunen tok på seg å skaffe midler ti å få bekken tilbake i opprinnelig form, saman med eit par av kvernhusa? Og at skulen gjekk saman med han/henne om å tilbakeføre dette nærmiljøet? Eit fin-fint mål for miljøopplegg i årevis frametter! Kommunen ville nok kunne få ganske store midler frå stat/fylke for ei slik oppgåve. Første oppgåve ville vere å frikjøpe bekkområdet og få ti eit samarbeid med grunneigarane rundt. Prøv da vel!

Utflytta boknar.

AVL AV ISLANDSHEST PÅ AUSTRE BOKN

Vi har nylig flyttet til Kro på Austre Bokn, sammen med endel "firbente venner". I denne artikkelen har vi lyst til å fortelle litt om hva vi driver med.

FRA BY TIL BYGD

Da Bokn ble landfast, begynte Planene om å etablere seg på gårdsbruk på Bokn å ta form. Våren 1994 tok vi sprangen fra Haugesund og bygget nytt våningshus i Kro i løpet av forsommeren. Overgangen fra bysamfunnet til et lite bygdesamfunn hvor "alle kjenner alle" er stor - men ikke større enn at vi begynner å føle oss hjemme.

ANLEGG FOR OPPDRETT OG TRENING AV ISLANDSHEST

Vi er godt igmang med ombygging av fjøs til stall, stopping av gjødselbeholder og bygging av luftgård til hestene. Ride- og treningsbane er allerede anlagt, men mangler fortsatt noe drenering, pluss et lys eller to til mørke vinterkvelder.

AVL AV GAMLE URRASER

Vi har mest islandshest, men også et par shetlandsponnyer. Begge typer nedstammer fra de gamle hesterasene som har sin opprinnelse fra Island og Shetlandsøyene. Islandshesten er hardfør, nøysom og har lite sykdommer og skader. Den utpreger seg ved at den har hele fem gangarter, nemlig skritt, trav, galopp pluss tølt og passgang. En tøltende hest er flott å se på og svært behagelig å ri på (bl.a. vist på Oslo Horse Show ihøst).

For å bevare rasens sær preg skal islandshesten gå mest mulig ute hele året, i flokk, og helst ikke "dulles"

med, men behandles med respekt og fasthet.

Vi er opptatt av å drive seriøs avl, først og fremst av islandshest - og har anskaffet hopper av god avstamning til dette formålet.

JOBB, NÆRING OG ORGANISASJONSARBEID

For oss blir hest en bigeskjeft, med jobber ved siden av, henholdsvis i Haugesund og på Kårstø.

FRA BY TIL BYGD

Da Bokn ble landfast, begynte Planene om å etablere seg på gårdsbruk på Bokn å ta form. Våren 1994 tok vi sprangen fra Haugesund og bygget nytt våningshus i Kro i løpet av forsommeren. Overgangen fra bysamfunnet til et lite bygdesamfunn hvor "alle kjenner alle" er stor - men ikke større enn at vi begynner å føle oss hjemme.

Vi er aktive i organisasjonsarbeid for hest, gjennom styreverv både i den lokale islandshestforeningen (Faxi), Norsk Islandshestforening (NIHF) og Norsk Ponnyavlfsforening. NIHF er tilsluttet Norges Rytterforbund og Norges Idrettsforbund.

Hvis noen er interessert i å stiftet nærmere bekjentskap med islandshesten, kanskje med tanke på å skaffe egen hest - er de velkommen til et besøk. (Vi har foreløpig ikke salgshester å tilby - ei heller ridetimer ...)

MED HILSEN

Kari Christensen og Olav G. Larsen
Kro, Austre Bokn. Tlf. 52 74 84 07.

HÅREK DEN HARDBALNE





BYGDEBOKA

FOTOKOPIERINGA - EIN KJEMPESUKSESS!

Det er ein stor kulturskatt som er samla inn i løpet av 3 kopieringsdagar! Bygdeboknemnda har fått inn heile 63 samlingar, og eit lite reknestykke fortel at det er meir enn kvar 5. husstand. Når ein tenkjer på at ein familie etterkvart har fordelt seg på fleire hus er dette eit glimrande resultat!

Det kom inn 5.829 biler fordelte på desse 63 samlingane. 977 av dei er avfotograferte.

Ho som avfotograferte biletene, Anne Karin Jåsen frå Statsarkivet i Stavanger, seier på tlf. at Bokn hadde ei uvanleg stor oppslutning omkring fotokopieringa. Ein stor del av biletene

er frå tidsrommet 1920-1945, og Jåsen er veldig imponert over den store variasjonen i bildematerialet. Vanlegvis kjem det under eit fotokopieringsprosjekt inn mange biler frå profesjonell fotograf med stivpynta folk, men Bokn har i tillegg fått inn ei flott samling med biler frå arbeidslivet og andre daglegdagse situasjonar. Dette er i følge Jåsen nokså sjeldent. Ho er også overveldt over kor flinke folk har vore med kamera og å ta vare på biletene. Særleg i 1930-åra har folk tatt mange biler.

Anne Karin Jåsen seier til slutt at Bokn kan vera stolt over den unike kulturskatten som er samla inn, for her er det ikkje berre snakk om kvantitet, men også kvalitet!

Eit. døme på alle gardsbileta som kom inn.

Dette biletet er frå Nedrebø - tatt ca. 1930.

*Bak frå v.: Torbjørn, Gunhild, Bjarne
Ungar : Martha, Bjørn, Torbjørn, Olav
(alle med etternamnet Nedrebø)*



BOKN KOMMUNE

KULTURKONTORET

4290 BOKN

TLF 52 74 85 00

FAX 52 74 86 77

Det vidare arbeidet med dette prosjektet blir å få ei oversikt over billedmaterialet. Etter at kommunen har mottatt bileta frå Statsarkivet, skal Bokn laga eit eige billedarkiv. Ved å leggja dette inn på data kan me raskt finna ut kva deler av kommunen som ikkje har så god bildedekning, osv. Me vil då seinare komma tilbake til dette, og ser ikkje bort i frå at det på sikt kan bli aktuelt med fleire fotokopieringsdagar. Målet er sjølv sagt at Bygdeboka, som etter planen skal vera ferdig til jul 1998, får eit så breitt billedmateriale som mogleg.

Det som nok er viktig og interessant for mange er at alle bileta som kjem i arkivet til kommunen, seinare kan kopierast i alle storleikar til dei som måtte ha interesse for dette. Dette vil kulturkontoret koma tilbake til.

Det einaste Anne Karin Jåsen savnar ved første gjennomgang er bileter frå 17. mai-feiringar. Så oppfordringa til bygdafolket er klar: me savnar bileder frå 17. mai-feiringar før i tida. Det er nemleg ikkje for seint å levera inn aktuelle bileter. Birger Lindanger vil ta bileter med seg til Statsarkivet i Stavanger for kopiering. Den einaste forskjellen blir at du ikkje kan få dei med deg heim med det same. Folk som har bileter må henvenda seg til kulturkontoret for registrering, og fristen er 13. januar 1995.


Bygdeboknemnda vil retta ein stor takk til alle bidragsytarane, anten dei kom med eitt eller ein haug med bileter. Takk til alle som tolmodig har venta for å få registrert og for å gi opplysningar om bileter. Responsen har vore overveldande, og ventinga for enkelte blei ganske lang. Takk også til dei utflytta boknarane som deltok.

Nemnda vil også takka Jonne Holm og Dag Idar Jøsang for å ha vore med og skrive ned denne lokalhistoria.

KULTURKALENDEREN

for perioden januar t.o.m. juli 1995 går snart til trykkeriet. TYSDAG 13.12 er absolutt siste sjanse til å få informasjon med i kalenderen. Ta i så fall kontakt med kulturkontoret.


Går alt etter planen kjem kulturkalenderen til alle husstandane i romjula.



Jardar Havikbotn

- kulturleiar -

Bøhn folkebibliotek



LESETIPS

BARN/UNGDOM

Hagerup, Klaus:
Markus og Diana

Ingulstad, Fried:
Det spøker på nissegården

Vestly, Anne Cath:
5 på reise

Knutsen, Per:
Svømmersken



VAKSNE


Holt, Anne:
Salige er de som tørster

Heggland, Johannes:
Jordparadiset

Tunstrøm, Gøran:
Tyven

Nasrim, Taslima:
Lajja

God jul



NB!

Biblioteket er stengt i romjula.

SPAR SMART - SPAR SKATT



Aksjesparing med skattefrådrag (AMS) kan vera eit godt sparealternativ, og i tillegg får du lågare skatt innan visse grenser.

I sparebanken sel og innløyser vi Avanse-fondene.

Kan dette vera noko for deg?

Kom innom i banken for meir informasjon om AMS og andre alternative spareformer.

Vi serverer kaffi og julekaker siste veka før jul i banken.

Velkommen innom!



6. nov. 1994

TV-AKSJONEN -94

BOKNARANE GA MEST I
NORDFYLKET ETTER UTSIRA

Som i fjor kom Bokn på 4. plass blant kommunane i Rogaland rekna etter innsamla beløp pr. innbyggjar. Kr. 32.869,43 var det totale resultatet for Bokn i år, dvs. kr. 40,21 pr. innbyggjar. Dette medførte at Bokn kom som nr. 4 i fylket etter Utsira, Kvitsøy og Forsand. I år ligg likevel Suldal hakk i hæl med kr. 39,37 pr innbyggjar, så me må vel skjerpa oss til neste år dersom me skal halda stillinga.

Ein må likevel seia seg godt nøgd med resultatet, sjølv om det ligg kr. 8.962,35 under fjoråret. Det innsamla beløpet brukar å variera frå år til år, og det har nok noko å seia kva organisasjon som har aksjonen, og kva pengane skal gå til.

Neste år er det Frelsesarmeens som skal ha ansvaret for innsamlingsaksjonen. Dette er ein godt kjend organisasjon som mange har stor respekt for. Me satsar på eit godt resultat også neste år.

Takk til alle som var med på dugnaden - og til alle som ga.

Innsamlingskomiteen.

TELEFONNUMMER FOR ØYEBLIKKELEG HJELP

BRANN: TLF. NR. 110
POLITI: TLF. NR. 112
LEGEVAKT SJUKEHUS TLF.NR. 113 (Vert brukt ved livstruande tilstand)

BOKN LEGEVAKTSENTRAL: TLF. NR. 52 74 85 22

Dette nr. skal alltid brukast når ein vil ha kontakt med sjukepleiar/legevakt ved Bokn sjukestove.

Når de nyttar dette nummeret kan me setja samtalens i direkte kontakt med lege eller sjukehus dersom det er nødvendig.

Dette vil auka tryggleiken for dykk og kvaliteten på den hjelpa me kan gi.



Helsetenesta og teknisk etat i Bokn kommune



BOKN KOMMUNE

KYRKJEBYGD VANNVERK.

Etter en lang periode med driftsproblemer som førte til funn av bakterier på ledningsnettet regner en nå med normale driftsforhold igjen.

Manglende vannforsyning torsdag 08.12.94 hadde sammenheng med tordenværet som forårsaket stans av pumper og UV-anlegg. Deler av ledningsnettet ble tappet i løpet av natta og på grunn av luftlommer som da oppstår i ledningen kan det gå forholdsvis lang tid før forholdene er normale igjen.

Som et ledd i arbeidet for å kunne leve vann av best mulig kvalitet vil ledningsnettet heretter bli spylt oftere. I forbindelse med spylingene vil drikkevannet bli tilsatt klor. Klorlukt/smak kan forekomme.

I perioder kan vannet ha farge. (synes gjerne i badekaret) Årsaken kan være mye nedbør og sirkulasjon i Torlandsvatnet.

Vannverket er desverre ikke utstyrt med behandlingsanlegg som kan redusere fargen.

Publikum bes kontakte teknisk etat når det oppdages noe unormalt med drikkevannet.
En minner ellers om at alle og enhver passer på at det ikke renner unødig i kraner og slanger.

Teknisk etat

DIGITAL TELEFONSENTRAL

Bokn har fått ny digital sentral for telefonnettet.

Abbonnentane her i kommunen kan nå nytta dei tilleggstenestene på telefonen som står på side 4, 5 og 14 i telefonkatalogen. Det gjeld m.a. såkalla vidarekopling, som betyr at du med enkle tastetrykk kan ta med deg ditt eige telefonnummer dit du skal. Når nokon då ringer telefonnummeret ditt, treffer dei deg der du er. Vidarekopling er gratis innanfor den kommunen du bur i. Elles blir samtalen belasta den vidarekopla telefonen som ein utgåande samtale.

NY BOKNAREVY

Dersom alt klaffar for dei som nå skriv tekstar til ny revy, og for Bokn Brass som skal framføra han, kan det bli revy til våren.

Det er den same gruppa som skreiv revyen «Landfast» til Boknaveka ved den offisielle opninga av Riksveg 1 i slutten av juni 1991 som på ny er i gong. I tillegg til desse er det kome ei forsterking på ein person.



KUNNGJERING

SØKNAD OM KONSESJON FOR OPPDRETT AV LAKS OG REGNBUEAURE

Bokn Settefisk A/S har søkt om konsesjon for oppdrett av laks og regnbueaure utanfor Lauplandsvågen mellom Djupavika og Lauplandsholmen. Totalt oppdrettsvolum er 12000 m³. Søknaden er lagt ut til off. ettersyn ved teknisk etat i perioden 10.11. - 12.12.94. Ev. merknader må sendast Bokn kommune innan sistnemnde dato. Spørsmål til søkeren kan rettast til teknisk sjef på tlf. 52 74 85 00.

RØYKVARSLER

Det er viktig at røykvarsleren vedlikeholdes. Husk å teste røykvarslerne en gang hver måned!

I løpet av januar vil brannvesenet få tildelt noen testestaver som kan brukes til å teste røykvarslerne fra golvnivå. De er først og fremst beregnet til eldre og andre som ikke bør klatre opp på stol etc. Interesserte kan henvende seg til brannsjefen.

BOKN BYGDAABLAD

UTGJEVAR:

Bokn kommune,
4290 Bokn, tlf. 52 74 85 00
fax 52 74 86 90
Postgirokonto 0806 5 68 45 01
Bankgirokonto 3373 07 00305

BYGDAABLADNEMND:
Ingunn Våge, Arvid K. Jøsang,
Liv Vatnaland

REDAKTØR: Reidar Alvestad

ABONNEMENT:

Gratis til alle husstandar i Bokn
Utanbygds: kr. 100,- pr. år

ANNONSEPRISAR:

Heilside: kr. 400,-
Halv side: kr. 150,-
¼ side: kr. 75,- 1/8 side: kr. 50,-
Små privatannonser: KR. 10,-

FRIST FOR STOFF:

Den 20. i kvar mnd. 10 nr. årleg.

ARRANGEMENT:

- 11.12: LUCIA-FEST, Bokn skule
kl. 18.30.
13.12: ADVENTSFEST for eldre på
Bokn skule kl. 18.30.
20.12: JULEAVSLUTNING, Bokn
skule for elevar/foreldre.
26.12: ROMJULSDISCO Bokn
Diskotek. Aldersgr: '79-mod.
28.12: JULETREFEST, Bokn
Bedehus.
30.12: FISKARFEST, Bokn skule.
30.12: JULETREFEST,
Frelsesarm., Bokn Bedehus.
31.12: NYTTÅRSFEIRING, Bokn
Diskotek..

LENSMANN
Første fredag i kvar mnd.
kl. 10 - 12 i Boknatun

LANDBRUKSKONTORET
Kvar fredag kontordag i Boknatun

MISTET
Gullring mistet på Bokn skule v/ arr.
«Leif og kompisane».
Henv. Elisabeth Ellingsen,
tlf. 51 54 75 57 - eller Bertha Våge,
tlf. 52 74 83 18



- 11.12. Kl. 11: Gudsteneste v/
vikarprest Sigmund Aarvik.
Nattverd. Offer til Misj.samb.
Julafstan kl. 14: Familiegudst.v/ Aurdal
Offer til Kirkens Nødhjelp.
2.juledag kl. 11: Gudsteneste v/
Aurdal. Offer til NMS.

JULETREFEST

Sundagsskulane arrangerer juletrefest
på Bokn bedehus sundag den 18.12.
kl. 15.00.

Alle velkomne.

BOKN BEDEHUS - MØTER

Onsdag 14. des.- Fredag 16. des.
kl. 19.30. v/ Erling Yrkje.
Santalmisjonen

FOTPЛЕIE
Onsdag den 14.desember
Onsdag den 11.januar
Påmelding tlf. 52 74 85 00